

NOTAT

Kalaallit Nunaata ILO-p isumaqatigiissutaanik nr. 138-mik akuersissutiginninnera

Juni 2014

J.nr. 2014-3461

CAIJ/MAT

Isumaqatigiissut pillugu eqikkaaneq

Sulisinnaanermut minnerpaamik ukioqarnissaq pillugu ILO-p isumaqatigiissutaa nr. 138, 1973-mi akuerineqarpoq Danmark-imillu 1977-mi atortuulersinneqartoq 13. november 1998-mi atuutilerpoq.

Isumaqatigiissut suliaqarfinni assiginningsuni minnerpaamik ukioqartarnissaq pil-lugu siusinnerusukkut isumaqatigiissutinut amerlasuunut uiggiutitut isigineqassaaq isumaqatigiissummillu taassuminnga atortuulersitsinermut akuerinninnermullu atatillugu Danmark-ip ILO-p isumaqatigiissutai nr. 5, 7, 15, 58 aamma 112 atorrunnaarsippai.

Sulisinnaanermut minnerpaamik ukioqarnissaq, inuusuttut "peqqinnerinut, isumannaatsuunerannut ileqqoris-saernerinulluunniit" akornutaasinnaasutut isumaqarfigi-neqartoq, minnerpaamik ukiunut 18-nut killeqassaaq. Suliaqarfiit suliffiilluunniit qanoq ittut ilaatinneqassanersut, nunagisami aalajangersarneqassaaq. Aammattaq nunagisami ukiutigut angusassatut killigititaq allatut aalajangiiffigineqarsinnaavoq, soorlu Danmark taamaalorsimasoq. Kalaallit Nunaat aammattaq ukiutigut angu-sassatut killigititanik nunagisamut naleq-qussaaniarluni kissaateqaruni, tamanna pillugu nalunaarutiginnittoqassaaq, nal. artikel 2.

Suliaqarfinnut suliffinnulluunniit aalajangersimasunut killeqartunut nunagisami allatut aalajangiisoqarsinnaavoq, isumaqatigiissutilli malittarisassai atuutissapput ukununnga "aatsitassarsiornermi ujaqqerinermilu, suliffissuarni, illuliortiternermi sanaartornernilu suliani, innallagiassiorneq, gas imerlu, imikoorfilerinerni, angallassinerni, toqqorsivinni quersuar-nilu sulinerni aammalu nalunaarasuartaaserivinni kiisalu plantage-ani nunalerinermilu allani sullivinni pingaarnertut niuernerpalaartumik ingerlanneqartuni, matumani ilaatinneqanngillat ilaqutariit ingerlataat ingerlatallu minnerit, eqqaamiut atugassaannik tunisassiortunut, aammalu nalinginnaa-sumik sulisartunik nunanit allaneersunit sulisoqarneq ajortuni".

Oqartussaassuseqarneq

Isumaqatigiissutip sammisaqarfia, Namminersorlutik Oqartussanit tamakkiisuunngitsumik oqartussaaffigineqalernikuvoq.

Naliliineq

Namminersorlutik Oqartussat nalilerpaat, kalaallit isumaqatigiissummi akuersissutiginninnerisut namminersorlutik oqartussat oqartussaaffiinit nutaanik inatsisilornissaq pisariaqassanngitsoq.

Beskæftigelsesministerie-p nalilerpaa, kalaallit akuersissutiginninnerisigut naalagaaffimmi inatsisinik atuutunik allannortitsinissaq pisariaqassanngitsoq.